



Nunatsinni inuiaqatigiinni aalanerulernissamut qanoq iliuseqaqataasinnaaneq pillugu apeqquteqaat aallaavigalugu oqallisissiatut siunnersuut

(Inatsisartunut ilaasortaq Lars Poulsen, Siumut)

Qujanaq Inatsisartunut ilaasortaq Lars Poulsen siunnersuummut.

Timersorneq timimut tarnimullu nukittunerulersitsisarpoq. Ataatsimoortitsisarpoq. Timersortorlu siunniussaqaarluni angusaqarniarnermut sungiusartarlugu. Allanillu suleqateqarsinnaaneq aamma ilinniarneqartarpoq. Aamma ilinniarneqartarpoq, pitsaasunngorsinnaanngitsugut, sungiusarlutalu misileraanngikkutta. Tamanna timersornerup avataanittaaq aamma pingaartuuvoq aammalu soorlu assersuutigalugu ilinniarnermi sulinermilu aamma atorneqarsinnaalluni.

Taakku saniatigut aamma pingaartuuvoq uparuassallugu, timersorneq timigissarnerlu nuannaalersitsisarmat, inuunermullu attuumassuteqatunik nappaateqalernissanut arlalinnut igalassimaartitsisarluni. Kisimiilluni timigissartoqarsinnaavoq, eqqissisimarususkaanni, aammalu periarfissaqaarluni arlaliulluni timigissarnissamut, inoqatinik ataatsimooqateqarnissaq pisariaqartikkaanni.

Tamanna tunngavigalugu pingaartuuvoq, inuiaqatigiit innuttaminnut atortorissaarutunik eqqortunik atugassiinissaat. Demokraatini tulluusimaarutigaarput, ukiut arlallit qaangiuttut sorsuutiguarisimagatsigu, ivigaaraasalinnik arsaattarfiliornissaq. Ivigaaraasallit arsaattarfiit ullumikkut ataatsimoorfiupput, pinngitsooratillu pisooqataallutik, arsaannermi sungiusarnerit arsaannermilu unamminerit pitsaassusaata qaffannerinut. Pingaartuuvoq, taakku arsaattarfiit aserfallatsaaliuarnissaat ineriartortittuarnissaalluni, pitsaasunik ataatsimoorfittut piuartussanngorlugit.

Taamatuttaq nuannaarutigaara, arpattarfissanik timersortarfissanillu nunatsinni pilersitsinissmik periarfissat misissorneqarnissaannik siunnersuutiga maani Inatsisartuni tamanit tigulluarneqarmat. Qilanaarpunga siunnersuutip piviusunngoriartorerani malinnaanissannut.

Demokraatini siunnersuuteqartoq isumaqatigaarput ugguuna, sinerissami timersortarfiit amerlavallaat nungullarsimallutillu ullutsinnut naleqqukkunnaarsimasut. Tamanna iliuseqarfigisariaqarparput. Qulakkeertariaqarparput, nunatsinni piffinni tamani timersornissamut aalanissamullu pitsaasunik periarfissaqartoqarnissaa. Tassani atortussat pitsaasut pigineqarnissaat pingaaruteqarput.

Pitsaasunik tunngavissaqaqluarpoq, timersornermut timigissarnermullu aningaasaliinissaq silatusaarnerussoq.

Naggataatigut oqarusuppunga, Demokraatit iluarisimaartorujussuummassuk Kalaallit Nunaanni Timersoqatigiit Kattuffiata anguniagaa, 2030-imi nunani aalanerpaajussasugut. Taamatuttaaq nuannaarutigaarput, taanna anguniarneqartoq politikkikkut annertuumik tamersorsorneqarmat. Kisiannili



pisariaqarpoq ataatsimoorluta anguniagaasup piviusunngortinniarnernanut suleqatigiinnissarput. Taanna ataatsimut suliniarneq tamatta pilliuteqarfigissallugu akisussaaffigaarput.

Tassalu Demokraatit oqallinnermut isummersuutaat.